

白喉及疫核

忌表扶微

茲將捐資募印芳名列左

王子恒 捐銀拾貳元

王典三 捐銀四元

陳必益 捐銀八元

柴鴻瀾 捐銀四元

洪睡夢堂 捐銀八元

王福興 捐銀四元

陳建甫 捐銀四元

隆德號 捐銀四元

無名氏 捐銀四元

隆盛號 捐銀四元

謝鴻年 捐銀四元

共銀陸拾元

叙

上海近年以來喉症盛行傳染頗衆因是斃命者時有所聞時醫中議論各執醫治痊愈者固有之而悞服藥斃命者亦不少不幸染是症倉猝無措遂致醫藥難投幸則生全不幸則喪命良由醫藥不識胸無定見故爲所悞殊堪憫惻查有前人所著白喉忌表抉微一書辨症明確立方精詳照方服藥無不立效據僕所知已不乏人再查時醫中善醫此症者所立之方亦無不以養陰清肺爲主固不出此書之範圍既已奇效疊著不敢緘默又恐是書傳佈未廣故特多所排印悉心校對廣爲分送且是書雖云敬請洞主仙師判論其實方藥與吹喉外治各散並善後湯均本之古書而以名醫手訂的爲不磨之論壽世之方故自北而南皆著奇效幸勿視爲平常仙方謂不足信更宜備觀詳審知

所法戒則行醫者不至作孽請醫者不至戕生造福洵非淺鮮此症係感時氣而成尤望明哲保身順時調攝於膳菜食品中酌食清潤滋陰之物燥熱者暫行禁戒免生喉症倘或咽喉稍有不適卽行預早醫理遵守是書自審病勢輕重照方服藥若請醫診治務察其有無與是書相背萬不可輕於一試爲禁忌之藥所悞須知慎與不慎屈在生死關頭不容背昧見機旣早主意更定又何喉症斃人之有後之閱是書者諒不河漢斯言

光緒二十八年孟春之月潘毓初謹誌於滬上

辛丑之春滬地喉症流行每爲醫藥所悞敝等見而惜之因集資刊備白喉忌表方書四千本託潤寶齋代爲分送於茲一載業已派罄近聞喉症復起較前益盛遂糾同志重刊此書三千本仍託潤寶齋代派以廣流傳如有患斯病者務宜按症配藥極有效驗幸勿輕視爲要

光緒壬寅仲春月

嶺南楊偉之葉星槎馮禮堂謹誌

今次助印列後

張仁山

十元

方卓僑

五元

普安公司

五元

燕湖寶裕隆

四元

譚樂之

三元

薛竹林

三元

邱偉臣

二元

李寅階

二元

陳禮廷

二元

鄒炯裳

二元

張遜儔

二元

鄧德之

二元

關星衢

一元

梁鏡臣

一元

彭麗生

一元

卓鏡培

一元

謝氏

一元

楊偉之

四元

葉星槎

四元

馮禮堂

四元

無名氏

一元五角

鎮江怡和公司賬房

四元

共收洋六十四元五角

申昌書室刊印三千本工料洋六十四元五角

京序

是書爲耐修老人以髫齡子殤於白喉證求得

洞仙妙論刊印以期濟世者也京師此症更多醫家積習亦相類續刊以廣布
之余之責也卽耐修老人之志也或謂老人此舉惠及五六省澤及千百年厥
功大矣而老人方歉然不自滿曰是特行我所安而已彼殺人者未見其有咎
區區濟人之志又何敢冀功雖然吾族丁口寥寥無幾但願此後生齒日繁永
無夭札以此博彼尙不爲所持狹而所欲奢乎余聞之亦若有歆動于中者亟
爲付梓夫亦志老人之志云爾

光緒十有七年重光單闕且月穀旦

前身大鷲山僧規祐傳臧敬序

洞主先師白喉及疫核治法忌表抉微

耐修子敬錄并序跋加註

余素未習醫。咽喉一症。及疫核尤屬茫然。今年正月。余三兒自至戚汪大令處染患白喉。延同鄉某甲醫診治。據云此喉痺也。切不可破。破則不治。方用牛蒡桔梗僵蠶杏仁荊芥防風等藥。一劑而汗出。然鼻塞矣。再劑而熱退。然音啞矣。又延診之。則曰邪退其半矣。以前方畧加增減。一劑而白塊自落矣。再劑而鼻流鮮血矣。又延診之。則曰邪皆外出矣。又以原方去荊芥杏仁。加射干黃芩。一劑而喉外暴腫。再劑而喉內全爛。且頑痰上壅。骨節漲滿。神志煩悶。睡寤恍惚。始知藥誤。急改延某乙醫來視曰。誤服表藥。受患過深。不可救矣。姑以龍虎二仙湯灌之。卒無效。未幾而汪之女及婢。相繼患此。鑑於甲醫之失。

不敢服藥。令老嫗挖去白塊。出涎血升許。尋愈。幾不解其何理。嗣於友人處。假得鄭梅澗先生重樓玉鑰一書閱之。乃知白喉一症。只可滋陰。不可發表。甲醫所用之藥。全在禁忌之列。而鼻塞音啞與白塊自落。鼻孔流血皆爲誤。表不治之症。惟不可破一語。則與甲醫相合。更無解於汪氏女婢之因破而愈也。方思摘其大要。刊布流傳。免世滋誤。乃未一月而汪君亦病此。仍不敢延甲醫。亦倩老嫗掘破。而病不減。另延某丙醫診治。其所用藥。與重樓玉鑰中所載養陰清肺一方大同小異。因未大效。又復倍用生地。惟尙不免有一二禁藥攙入。服更不效。病家以爲生地之誤。又另延一僉醫者全用表散。連劑並進。而種種敗象。一時俱見。知爲內陷。仍歸咎於養陰。亦改延乙醫觀之。並未出前

余外甥女適金氏者由汪處弔奠歸卽染此症亦爲甲醫以表散藥致斃

方相示。乙醫以爲症由風邪。失未表散。亦投蠶蟬勞勃等藥。竟不救。余時亦未見愴醫之方。近始索觀。而知當日但謂病有兩歧。藥難一致。前所欲摘要刊布者。至此遂不敢下筆矣。又一月而余妾亦病。始卽骨節疼痛。渾身發熱。喉間乾痛而無白點。乃立意延乙醫診視。以其向治喉症。類能分別透澈。必可辨悉病源。及診脉象。云是浮緊。恐係風邪。略應表散。然一劑而音瘖。再劑而氣逆。似覺不合。適有某丁醫過訪。請其覆按。瞿然曰。此白纏喉也。如何可表。速服養陰清肺湯。方可補救。時熱尙未退。探視喉間。微有白象。余以乙丁之言。廼然相反。茫無率從。乃齋沐設壇。敬請

洞主先師判斷。所語悉如丁言。並示白喉及疫核斷無發表之論。命於養陰

嗣是一月以來凡親友患此症者聞信即方相陰

清肺湯中。加蠶食過桑葉孔多者三片。青麟丸五分爲引。一劑之後。即照原方。不必加引。至愈而止。當即遵服。次日即大解一次。色赤黃。並發斑疹。遍體皆是。一此種斑疹乃白喉及疫核症所恆有。係服藥見功。浮邪外出。乃是吉象。切勿誤認尋常斑疹。不敢滋陰。改服表散。以致大誤。一此時熱已全退。而喉間白塊遍滿矣。余恪遵

仙論。始終守方五日。而瘳。長次兩兒次第傳染。審其情狀。症亦相同。深信不疑。即以養陰清肺湯投服。或便黏痰。或發斑疹。服三劑而熱清。喉間均稍露白點。不移時而退。盡竟未大發。乃堅信養陰忌表四字爲治。白喉及疫核者。歷劫不磨之論。乙醫爲余年較長。虛心而善悟。見此不覺五體投地。爰復迭次虔請。逐層質疑。得

告皆二
三劑卽
瘳已活
數人矣

頒箴論。並命作表以喚迷津。前後共三千餘言。一片婆心。流溢行間字裏。自此濟人有術。所活奚止恆河沙數哉。

仙師廟在奉天。前於戊子歲在奉降壇勸賑。凡助賑求方者。莫不藥到病除。神妙不可思議。偶立方論。洞澈源流。決非凡手所能夢見。此論一出。歧黃家當奉爲金科玉律。不致再入歧途。爰敬錄之。並將張善吾所著捷要書中語之相合者。分注於下。刊印行世焉。

洞主仙師前論 答耐修問

白喉及疫核古無此症。故少專書。世稱難治。然非難也。未明其理耳。人但知肺之灼而不知由於胃之蒸。人卽知胃之熱而不知由於腸之塞。腸塞則下焦凝滯。胃氣不能下行而上灼於肺咽喉一綫之地。上當其衝。終日蒸騰。無有

天氣亢
旱非大
雨不能
回潤若
燥以風
其燥更
甚天人

休息不急治與治之不當則腫且潰潰且閉矣。一捷要云白喉及疫核初起惡寒發熱頭痛背脹遍體骨節疼痛喉內或極痛或微痛或不痛而喉內核內微硬有隨發而白及核隨見者有至二三日而白及核始見者或由白點白條白塊甚至於滿喉皆白者及核唾紅涎其所治皆同也。一治之之法惟有以厚重之藥鎮其上層如以巨甑蓋鼎使燄不上騰復以清涼之藥潤其次層如以濕綿禦礮使火不內射極盛者再掃除其中宮以抽榮薪開通其下道以漏炸炭醫者之能事畢矣。夫自上至中至下本有可通之路而必開其旁門反使四塞左矣邪毒之內蘊火也實煙也尋常表邪輕煙而已此則如蠻雲毒霧鬱鬱一經表散僅能紛竄於經絡之中而不能透出於皮毛之外愈入愈深有入無出迨自知其誤翻然改計不先追其藥毒而徒盡其當然無益也解

一理可
以互推

表藥之毒。春用蠶食過桑葉孔多者。三片。夏用荷花蒂連鬚者。七箇。秋用葶薺苗稍黃者。九枝。各寸許。冬用生青果核磨汁。或打碎五枚。不必拘定四時。但有現成鮮者可用。卽用之。加入養陰清肺湯中爲引。一劑後照全方服。不加引。一捷要云。如有辨症未清。誤服升提開散辛溫之劑。視病之輕重。以生綠豆碾細末。重者一茶碗。輕者一酒盃。冷水調服。另煮大米粥一碗。先服粥。後服藥。則誤服之藥。卽能解除矣。等語。如以上四引不現成。卽用此法亦效。此症起時。發熱者多。症之輕者。脉不甚洪實。初不見白。及核。醫者不察。往往誤爲風邪。用表藥而熱退。方謂有效也。及白點及核。旣見而病已增重大半矣。一捷要云。白喉及核初起。惡寒發熱。乃毒氣初作於內。至二三日喉內見白。寒熱自除。或者不悟。以爲表藥有功。而不知不服表藥。

凡病爲藥誤另延醫治如後醫有識必以正道補救救之而效則前醫猶引爲功救而效則反被前醫歸咎或前醫

其熱亦自退也。一。至改服養陰。一二劑而不見速效。又復反覆。改圖。一誤再誤。其有不殆者乎。故認症既的。尤以守方爲第一義也。〔捷要云。如有內熱及發熱。照方服去。其熱自除。卽白及核有加。仍勿改藥。蓋內病不除。白何能淨。愈發白。愈守方。久久服之。自有效驗。切勿求速而表散。〕吾謂風邪之症。亦宜清解。亦不宜於表散。表之過當。不外出而內竄。勢易易也。且立意不用表藥。則中下之醫不能辨症於初起者。亦不致大誤而殺人。玉鑰書中忌用諸藥。出於名醫手定。人嫌其選擇之過泥。吾猶謂其徵引之未全。細辛升麻桂枝蘇葉之不可用。固不待言。卽僵蚕蟬退馬勃等品。治喉家及治疫核所奉爲至寶者。皆殺人之具也。各宜守之如厲。禁視之如酖。毒庶不誤矣。查汪某之病。亦是白喉藥不誤於前。此之滋陰而誤於後來之表散。况黃琴一味。

未誤誤於後醫則後醫更不任過孰得孰失往可嘆也余初亦疑其滋陰所誤及讀仙論向注處索方閱之果有倉醫表散

涼入細竅。猶投炭於瓶。而嚴塞其口。火雖滅而煙留。再以厚重之藥。並用而鎮之。愈塞愈緊。非特不能交濟其功。抑且相助爲虐。其毒至死而不能出者。職是故也。至其女與婢之病。亦均纏喉。及核症惟係輕者。童體氣盛。故以挖破而效。然非通法。不可爲訓。若以治弱人。則頃刻而靡矣。汪某之病。胡獨不誤於此耶。三郎所遇之醫學。淺性泥。更不足道。當其來診之初。白塊已遍滿。但稍經涉獵者。即可辨認。況行道有年。而猶妄用表散。一再不已。是何故也。至三日而毒竄已深。雖有神仙。亦不能救。甚矣。牛蒡射干等藥。之爲禍烈也。耐修經此數端。聞吾之言。大旨當可明曉。其擇近時喉症及疫核書之近穩者。細觀各方中之用藥。刪其應忌之品。不可容留一孽。以可用者。分爲正將、猛將、次將三表。每表分四層。上層爲鎮藥。如龍膽草、石膏、生

二方在
丙之後
乙之前
且黃芩
亦倉所
命投也

地、元參之類。次層爲潤藥。如瓜蒌、貝母、丹皮、天冬之類。又次層爲消藥，如厚朴、神麴、枳殼、麥芽之類。下層爲導藥。如大黃、元明粉、車前、澤瀉之類。約藥四五十種。按症輕重，分別施治。亦已足矣。其中消導之藥，非熱極便結，不可輕用。但能鎮潤得宜，則中下自會通暢。不可不知。表後列忌用諸藥，添入前人漏列者七八種。注明害處，俾盡人一目瞭然。胸有成竹。設遇醫者，開方觀其所用之藥。如有不列於藥隊者，以及妄用禁藥者，或病輕而遽用猛將者，皆不可服。更以服禁服後所現不治症象臚列於後，庶可觸目驚心也。稿成見質于吾，尙有要言。

白喉兼治鼠疫驗方

白喉一症，勵疫也。其爲害甚於鼠核。余閱世數十年，曾屢見不鮮。惟因白喉常